



KENYATAAN MEDIA KEMENTERIAN KESIHATAN MALAYSIA

SITUASI SEMASA DEMAM DENGGI DI MALAYSIA MINGGU EPIDEMIOLOGI 29 (14 JULAI 2024 – 20 JULAI 2024)

Pada Minggu Epidemiologi ke-29 tahun 2024, jumlah kes demam denggi yang dilaporkan adalah sebanyak 2,690 kes berbanding 2,373 kes pada minggu sebelumnya. Terdapat empat (4) kematian akibat komplikasi demam denggi dilaporkan pada Minggu Epidemiologi ke-29 tahun 2024.


Kumulatif kes demam denggi yang dilaporkan sehingga Minggu Epidemiologi ke-29 adalah sebanyak 83,131 kes berbanding 66,224 kes bagi tempoh sama tahun 2023. Manakala terdapat 69 kematian akibat komplikasi demam denggi telah dilaporkan berbanding 47 kematian bagi tempoh yang sama pada tahun 2023.

Bilangan lokaliti hotspot yang dilaporkan pada Minggu Epidemiologi ke-29 adalah sebanyak 94 lokaliti berbanding 100 lokaliti hotspot pada minggu sebelumnya. Dari 94 lokaliti yang dilaporkan, 71 lokaliti di Selangor, enam (6) lokaliti di WPKL & Putrajaya, enam (6) lokaliti di Perak, empat (4) lokaliti di Negeri Sembilan, empat (4) lokaliti di Kedah, dua (2) lokaliti di Sabah dan satu (1) lokaliti di Kelantan.


Bagi surveilans chikungunya, terdapat empat (4) kes direkodkan pada Minggu Epidemiologi ke-29. Jumlah kumulatif kes chikungunya sehingga kini adalah 58 kes. Tiada wabak Chikungunya dilaporkan pada Minggu Epidemiologi ke-29. Bagi surveilans zika, sebanyak 1,505 sampel darah, lapan (8) sampel urin dan tiga (3) sampel serebrospinal telah dijalankan saringan zika dan hasil kesemuanya adalah negatif.

Pencegahan demam denggi memerlukan tindakan bersama termasuk menjalankan aktiviti gotong-royong secara berkala. Semua rakyat Malaysia, sama ada dari agensi kerajaan, swasta, komuniti, atau badan bukan kerajaan (NGO), disarankan untuk bersama-sama menjadikan *One Hour Malaysia Clean Up* sebagai aktiviti bulanan. Mekanisma pelaksanaannya adalah pada setiap hari Sabtu minggu keempat setiap bulan dan dilaksanakan sekurang-kurangnya satu (1) jam pada setiap sesi. Pupuklah sikap dan tabiat prihatin dalam kalangan anggota keluarga dan masyarakat agar sentiasa menjaga kebersihan diri dan persekitaran. **Tiada *Aedes*, tiada denggi, chikungunya dan zika.**


DATUK DR. MUHAMMAD RADZI BIN ABU HASSAN
KETUA PENGARAH KESIHATAN
28 JULAI 2024




Gambarajah 1: Perbandingan kes dan kematian demam denggi Minggu Epidemiologi ke-29 & ke-28 tahun 2024



Gambarajah 2: Perbandingan kes dan kematian demam denggi sehingga Minggu Epidemiologi ke-29 tahun 2024 dan tempoh sama tahun 2023



Gambarajah 3: Perbandingan tren kes mingguan demam denggi Malaysia tahun 2024 (sehingga Minggu Epidemiologi ke-29), 2023 dan median 2019-2023



Gambarajah 4: Jumlah lokaliti hotspot denggi Minggu Epidemiologi ke-29 tahun 2024